

Nazismoarekin lotu dituzte Denverko sarraskia egin zuten bi ikasle gazteak

Gutxienez 15 lagun dira hildakoak, eta lehergailuz bete zuten Columbine eskola

Agentziak / Denver

Bi ikasle gazteren ekin-
tzak dardarka utzi zuen
herenegun iluntzean EEB-
Betako Denver (Colora-
do) ondoko Littleton
herria. Izan ere, pistola
eta lehergailuz armatuta
eskolan sartu eta 13 per-
sona hil zituzten beren
buruez beste egin aurre-
tik. Beltz eta hispanoen
bila ibili ziren.

SARRASKIAREN egileek, gero
bere buruaz beste egin zuten
17 eta 18 urteko bi ikaslek,
etxean egindako lehergailuz
josi zuten Columbine biga-
rren hezkuntzako eskola, eta
horrexegatik Poliziari eta
erreskate taldeei oso zaila ari
zitzaien gertatzen gorpuak
ateratzea. Atzo gauean, infor-
mazio hau idazteko garaian,
15 hil-hotz topatu zituzten,
haietako bi triskantzaren egi-
leenak.



Izan ere, 17 urteko Eric
Harris eta 18ko Dylan Kle-
boldek beren buruez beste
egin zuten lau orduz beren
ikaskide eta irakasleak hil-
tzen ibili ondoren. Lekukoek
emandako azalpenen arabe-
ra, ikastetxe guztian barrena
ibili ziren bi ikasle horiek
aurpegiko mozturro, beroki
eta eskularru beltzekin jan-
tzita. Arraza minorietako
ikaskideen bila jardun zuten,
beltz eta hispanoen atzetik,
eta aurkitu ahala hiltzen
zituzten. Halaber, kirolari
onak zirelako sona zuten
hainbat ikaskide ere hil zituz-
ten.

Lagunak hiltzen zituzten
bitartean barre egiten zutela
eta gozatzen ari zirela nabari-



ERIC GAY / AP

Columbine eskolako bi ikasle, negarrez, sarraskian hildako lagun baten autoaren gainean loreak jarri ostean.



AP

Dylan Klebold eta Eric Harris gazteak, sarraskiaren egileak.

tzen zitzaiea adierazi dute
lekukoek. Harris eta Klebol-
dek hildako 13 pertsonetatik
9 gizonezkoak ziren eta beste
4ak emakumezkoak.

Triskantzaren egileak
nazismoarekin lotu dituzte.
Hain zuzen ere, beste dozena
bat lagunekin batera Gabar-
dina beltzen mafia zeritzon

taldekoak ziren, hain zuzen
ere, pentsamendu nazia, eta
batik bat, Adolf Hitler buru-
zagia, aldarrikatzen dituzten
talde batekoak. Web orri bat
ere bazuen talde horrek
Interneten, eta hainbat arra-
zarekiko gorrotoa eta mes-
prezua bultzatzen zituzten.
Hilketa Hitlerren jaiotzaren
110. urteurrenean egin
zuten.

Polizi arduradunek eman-
dako azalpenen arabera, bi
gazteona kontu handiz plani-
fikatutako ekintza suizida
izan da. Era berean, Gabar-
dina beltzen mafiako beste
zenbait kide ere atxilotu
zituzten, baina polizi iturriek
azaldu zuten ez dagoela ekin-
tza horretan beste inork par-
te hartu zuela pentsatzeko
arrazoirik.

Bideo jokoak eta
armak

Erredakzioa / Donostia

SAMIN eta hunkidura
handia piztu du Denverko
triskantzak EEBBetako gi-
zartean. Bill Clinton le-
hendakariak, esaterako,
bi agerraldi egin ditu ger-
takari horri buruz hitz egi-
teko. Hain zuzen ere, esko-
la barruko indarkeria go-
gor borrokatu behar dela
esan zuen Clintonek, eta
herenegungo gertakariak
estatu batuarrek esnatze-
ko balio behar duela.

Ildo horretatik, gazteei
indarkeria ez dela bidea
erakutsi behar zaiela az-
pimarratu zuen EEBBeta-
ko lehendakariak. Nola-
nahi ere, ez zuen aipame-
nik egin hainbat adituren
arabera atzokoaren tan-
kerako gertakarien mui-
nean dagoen arazo batez:
armen jabetza zabalaz.
Izan ere, EEBBetan oso
zabalduta dago herrita-
rrek armak edukitzea, eta
horren atzean industria
handi bat dago.

1997an egindako iker-
keta baten arabera, biga-
rren hezkuntzako bost
ikasletik batek armak
eramaten zituen klasera.
Halaber, ehundaka suzko
arma eta milaka labana
harraptu dizkiete ikasleei
duela urte gutxi hainbat
eskolatan armak atzema-
teko tresnak jarri zituzte-
netik. Ildo beretik, EEB-
Betako Konstituzioak
norbere burua armaz de-
fenditzeko eskubidea ja-
sotzen du, eta ohikoa da
umeez txikitatik armak
erabiltzen ikastea.

Beste eragileetako bat
EEBBetako gizartean in-
darkeriak duen izen ona
da atzo psikologo eta pe-
dagogoek azaldu zutenaz.
Filmek eta batik bat bideo
jokoek laguntzen dute ja-
rrerra hori bultzatzen.

kronologia

Hilketa masiboen zerrenda luzea

EEBBetan azken 50 urteetan hilketa indiskriminatu uga-
ri gertatu dira. Hona aipagarrienak:

1949 • II. Mundu Gerrako beterano batek 13 lagun
hil zituen New Jersey, bizilagunek erotzat zute-
lako.

1966 • Charles Whitmanek, uneko zoroaldian, 16
lagun hil zituen Austingo Unibertsitatetik (Texas)
tiro egitean. Emaztea eta ama hil zituen bezperan.

1982 • George Banksek 13 pertsona hil zituen
Pennsylvanian.

1982ko abuztua • Carl Robert Brownek zortzi per-
sona tiroz hil zituen Miamin.

1983 • Benjamin Nigkak 13 lagun hil zituen.

1984ko apirila • Hamar lagun gorpuk aurkitu
zituzten New Yorken. Christopher Thomasi lepo-
ratu zitzaion hilketa.

1984ko uztaila • Vietnamgo gerrako beterano ba-
tek 22 pertsona hil zituen tiroz Kaliforniako jate-
txe batean.

1986ko abuztua • Postari batek 14 pertsona hil zi-
tuen Oklahomako posta bulego batean.

1987ko abendua • Gene Simpson sargentu erreti-
ratuak 16 lagun hil zituen Arkansasen.

1988ko maiatza • Haur zaintzaile batek ikasle bat
hil zuen Illinoisko ikastetxe batean.

1988ko iraila • James William Wilsonek Kalifor-
niako ikastetxe bati tirokatu zion eta bi ikasle hil.

1989ko urtarrila • Gazte batek Kaliforniako ikas-
tetxe bat tirokatu eta bost haur hil zituen.

1991eko urria • Kamiolari batek 22 pertsona hil zi-
tuen pistola automatiko batekin Texasen.

1993ko uztaila • Armaz jositako gizon batek bede-
ratzi pertsona hil zituen San Frantziskon.

1995eko abendua • Gizonezko batek New Yorkeko
denda bati su eman eta zortzi pertsona hil ziren.

1997ko abendua • Gaztetxo batek Kentuckyko
ikastetxe bat tirokatu eta hiru ikasle hil zituen.

1998ko martxoa • Bi gaztetxok ikaskideak tiroka-
tu eta bost pertsona hil zituzten.

1998ko maiatza • Gaztetxo batek bi ikasle hil zi-
tuen Oregonen, gurasoak hil ondoren.